

# TELEGRAM

## Lětopis digitalnje w syći

**Budyšin.** Nastawki wědomostneho časopisa za rěč, stawizny a kulturu Łužiskich Serbow Lětopis je wot wčerawšeho internetnje na předań. Jednotliwe PDF-dataje móža sej zajimcy na stronach online-biblioteki za centralnu a wuchodnu Europu pod adresu [www.cceol.com](http://www.cceol.com) kupić. Ludowe nakładnistwo Domowina, w kotrymž časopis wuchadza, poskića tak přěni raz digitalne wobsahi.

## Swjatočne rozžohnowanje

**Zhorjalc.** 16 absolwentow třinarodneho bachelorskeho studija informaciskeho a komunikaciskeho managementa z Čěskeje, Pólskeje, Nigerije a Němskeje su džensa w Zhorjalcu rozžohnowali. Studenća přěndžechu jendzelskorěčne wukublanje na uniwersitomaj w Liberecu a Wroclawju kaž tež na wysokej šuli Žitawa/Zhorjalc, kotraž je wukubłanski zwjazk Nysowa uniwersita zaplaćil.

## Wotpokazuja šrotowy pjenjz

**Praha.** Přiražka k podpěrje awtoweje produkcije so w Čěskej republice hinak

wuwiwa hač w druhich europskich krajach. Prezident Václav Klaus je přećiwo namjetej, tak mjenowany „šrotowy pjenjz“ zawjesć, swój weto zapołožil. Dwělomne nětko je, hač so poradzi zawjedenje statnjeje pomocy w parlamence přesadzić, wšako tež mnozy zapośleńcy šrotowy pjenjz zasakle wotpokazuja.

## Witt wabi za olympiske hry

**Mnichow.** Prominentna dwukrótna olympiska dobyčerka w krasnosmykanju Katarina Witt ma jako „mjezwočo“ Mnichowskeje kandidatury za Olympiske zimskie hry 2018 tomu dopomhać, zo Němska tute hry dóstanje. 43lětna bu wčera w Mnichowje jednohlósnje jako předsydka 23 člonow wulkeho kuratorija ze znatymi wosobinami sporta, politiki, hospodarstwa a kultury prezentowana.

## Norwegčan 6. etapu dobył

**Barcelona.** Wčerawšu 6. etapu na 96. tour de France wot Gerone do Barcelony (181,5 km) je dobył Norwegčan Hushovd před Španičanom Freirom. W cyłkowym hódnoćenju nawjeduje dale Šwicar Cancellara před Američanom Lanceom Armstrongom, kotryž ma samsny čas. Třeći je Contador ze Španiskeje před Klódenom. Jako mustwo nawjeduje dale Astana z Kazachstana.